

國朝耆獻類徵初編卷之三目錄

宰輔三

傅以漸

李蔚

魏裔介

呂宮

馮溥

黃機

國朝耆獻類徵初編卷之三

通奉大夫前署江西巡撫江西布政使司布政使湘陰李桓輯

宰輔三

傅以漸

傅以漸山東聊城人順治三年一甲一名進士授弘文院修撰四年充會試同考官五年充明史纂修官八年閏二月遷國史院侍講九年正月充 太宗文皇帝實錄纂修官六月遷左春坊左庶子十年正月遷祕書院侍講學士五月遷少詹事閏六月擢國史院學士七月教習庶吉士十一年八月授祕書院大學士十二年正月 詔陳時務因條上安民三事又 命作資政要覽後序二

月 諭獎密勿抒誠諸大臣加以漸太子太保尋改國史院大學
士充文武殿試讀卷官時編輯 太祖高皇帝 太宗文皇帝聖
訓暨通鑑全書以漸並充總裁官又承 旨撰內則衍義會戶部
進新修賦役全書 上亦命覆覈十三年八月京察自陳乞罷得
旨卿輔弼重臣醇誠樸慎勤勞密勿倚任方殷豈可引例求退
著益抒盡念佐成化理十四年二月以漸同庶子曹本榮奉 諭
曰朕覽易經一書義精而用溥範圍天地萬物之理自魏王弼唐
孔穎達有注釋正義宋程頤有傳迨朱熹本義出而後之學者宗
之明永樂間命儒臣合元代以前諸儒之說彙爲大全於易理多
所發明但其中同異互存不無繁而可刪華而寡要且迄今幾三

百年儒生學士發揮經義者亦不乏人當並加採擇輯成一編昭
示來茲爾等殫心研究融會貫通務期約而能該詳而不複俾義
經奧旨炳若日星以稱朕闡明四聖作述至意十二月修易經通
註以進十五年二月偕學士李霽充會試主考官入闈舊俱攜書
籍至是言官奏定禁例以漸疏請凡出題應用書籍 敕部照例
給發庶免漏誤下部議令內監試察驗仍准攜入以漸因闈中略
血疏言入闈七日幸硃卷尙未臚進乞 賜另遣一員同李霽任
事得 旨知卿偶恙著力疾料理闈事四月考滿加少保九月改
內院爲內閣因授以漸武英殿大學士兼兵部尙書十月以疾乞
假回籍十六年十一月以病逾一載乞罷黜 命加意調理稍痊

即來京入直辦事不必引請處分十七年三月京察自陳乞罷得
旨卿清慎素著佐理有年著加意調攝痊日即來京供職不必
求罷十八年正月 聖祖仁皇帝御極以漸復疏乞罷下部議准
解任在籍調理病痊起用康熙四年四月卒年五十有七

右 國史館本傳

本朝閣臣最利鼇頭如傅聊城以漸爲順治丙戌狀元呂常州宮
爲順治己丑狀元于文襄公敏中爲乾隆丁巳狀元莊參政有恭
爲乾隆己未狀元梁文定公國治爲乾隆戊辰狀元王文端公杰
爲乾隆辛巳狀元戴文端公衢亨爲乾隆戊戌狀元

右錄宗室昭槤撰

李霽

李霽直隸高陽人父國楷明天啟時官大學士謚文敏明史有傳
霽七歲而孤 本朝順治二年舉人三年進士改庶吉士授檢討
尋遇 太祖高皇帝配 天覃恩晉編修十年二月 世祖章皇
帝親試習清書翰林霽與侍講胡兆龍檢討莊同生並列上等擢
中允五月遷侍講會直隸江南諸省學政需代例用翰林霽同同
生等以清書尙未精通恐致荒廢乞免開列大學士圖海范文程
爲之代奏得 旨俞允尋擢侍講學士十二年遷祕書院學士同
學士禪岱麻勒吉胡兆龍教習庶吉士時始設日講官霽同麻勒
吉胡兆龍及侍讀學士哲庫納洗馬王熙中允方懸成曹本榮充

之十四年充經筵講官十五年二月充會試副考官三月考滿加一級廕一子入監五月授祕書院大學士九月改東閣大學士尋與大學士巴哈納等疏言內三院既改爲內閣別設翰林院宜分職掌以專責成 上允所請十六年三月 諭獎勤勞奉職諸大臣加爵太子太保先是十二年 上親選武進士二十三人以領侍衛內大臣教習騎射 特詔肇行大典宜加優異一甲一名視副將二名視參將三名視遊擊二甲十九人視守備皆按品食俸至是兵部以十五年所選武進士劉炎等援例請 旨疏下內閣票擬既擬進 諭曰內閣之設原因章奏殷繁一時遽難周覽故令其看詳票擬候旨裁定此舊例也膺斯任者宜虛公謹慎悉心

辦理方爲盡職今兵部請武進士劉炎等品級俸祿一疏或令部議或卽准給及不准給自應三擬乃止一擬部議一擬不給特因劉炎等係武職聲氣不通不擬給與如此偏懷私見任意妄裁負朕倚任不重加懲治以後自專之端必至漸長下九卿科道同吏部察議諸大學士及學士並降罰畱任以票擬由爵覈定降四級調用九月 命寬免諸大學士學士降罰爵復原官任事如舊十七年四月同大學士巴哈納等校定律例十八年 聖祖仁皇帝御極復設內三院爵改弘文院大學士三年充會試正考官六年充纂修 世祖實錄總裁官九年仍以內三院爲內閣爵改保和殿大學士十一年 世祖實錄告成 賜銀幣鞍馬加太子太傅

十三年 詔舉素有清操堪膺繁劇者爵薦休致布政使王舜年降調參議道俞之炎副貢生楊始亨十五年充會試正考官十七年 詔舉博學鴻儒爵與大學士杜立德馮溥合薦副使曹溶布政使法若真參議道施閏章中書曹禾陳玉璣知縣米漢雯進士沈珩葉舒崇二十一年充 三朝聖訓暨平定三逆方略重修太祖高皇帝實錄總裁官又充明史監修總裁官先是重修 太宗文皇帝實錄爵爲總裁官至是告成 賜賚如例晉太子太師尋充 大清會典總裁官會臺灣初定提督施琅請設官鎮守廷議未決有謂宜遷其人棄其地者 上召詢諸大學士爵奏言棄其地恐爲外國所據遷其人慮有姦宄生事應如施琅請設官鎮

守 上是其言二十三年六月以疾卒年六十遺疏入得 旨李
爵簡任機務慎勤敏練宣力有年勞績素著忽聞溘逝朕心深爲
憫惻下部議卹 命大學士明珠同學士一員奠茶酒 賜祭葬
如典禮謚文勤四十九年三月 諭大學士等曰李爵任大學士
時始終恪慎茂著勤勞伊孫工部主事李敏啟著越格升補太常
寺少卿以示崇獎舊臣優錄後嗣至意十月爵第三子其旋以教
習期滿部選知縣引 見得 旨原任大學士李爵宣力年久其
子李其旋著以主事用遇缺卽補尋擢敏啟大理寺卿其旋兵部
員外郎

右 國史館本傳

光祿大夫太子太師戶部尚書保和殿大學士李公薨之十年公之子孟績於麟爲通家世好持先生行狀及誌謚請子曰先公與足下叨一日之長二十年來相問難知先公深未有若足下者先公未有傳以此煩之足下子曰國有史史有傳此史臣事也予愚瞽弗能窺先生萬一能乎哉孟績曰足下篤行人也其言質實實斯信信斯傳矣其勿辭予以公遭時際會歷仕垂四十年爲鼎臣二十有七載其間論道經邦之大以至從容退食一言一動之微皆有關於天下國家而爲後世法予愧未能洞見精微闡幽昭潛故僅爲之約略梗概樹鉅標芬以俟採擇焉讀世系狀略曰公諱霽字景霽一字臺書號坦園直隸高陽人自先世諱平福公始公

考諱國楷明萬厯四十一年進士階光祿大夫勳左柱國爵少師
兼太子太師官吏部尚書中極殿大學士贈太保謚文敏今 贈
如公官祖考諱知先曾祖諱東少臨洮府經歷先贈如文敏公官
今俱 贈如公官高祖考諱師孔贈如文敏公官明成化十四年
進士官山西布政司參議諱儼者於公爲四世祖五世祖諱甫榮
以少參公貴贈奉直大夫六世祖諱德明始祖諱平福世居邑之
龐口村皆有隱德是爲望族云讀誕生狀略曰文敏公元配陳太
夫人早卒時官詹事年四十一歲繼娶趙太夫人生公於京邸有
異相曰角河目音吐如鐘成童穎悟絕倫文敏公鍾愛之公生之
明年文敏公入相踰歲晉首揆未數月以母老乞歸未及四年辛

未文敏公卒少失怙恃依繼母張太夫人膝無嬉戲恆戚容癸酉
九歲就外傅丁丑十一歲卜葬文敏公於新阡戊寅高陽被兵城
不守文敏公起家詞苑素礪廉隅家如寒素至是更蕩然已公乃
隨繼母張太夫人僦居京師以張爲都人也娶前辛未進士陝西
督糧道少參朱生翁公次女癸未朱夫人來歸云讀仕進狀略曰
公年十七補博士弟子員順治二年舉於鄉明年成進士授翰林
院庶吉士丁亥充會試同考官得士十九人除檢討改編修歷春
坊中允侍講學士充日講官尋以內祕書院學士教習庶吉士充
經筵講官順治十五年五月以學士入閣辦事公自釋褐迴翔
禁苑十餘年致位宰輔年甫三十有四同時并研胡公曲沃衛公

皆以尙書入閣獨公以學士超拜蓋異數也是年更定官制改工部尙書兼東閣大學士未幾兼太子太保坐票擬偶誤鑄四級公杜門引咎曰臣實不職鑄秩猶寬典也 先帝臨御久知人善任亦時以恩威示不測居三月 召復其官 今天子卽位誥授光祿大夫已又改內閣仍爲三院以公爲內弘文院大學士是時上方諒陰恭默幾務決於輔政大臣議事相齟齬公輒默然俟辨論將息徐出一言以定票擬或未當不輕論執每於談笑閒旁引曲喻令聞者心悅然後徐奪其所是而更正之輔臣每屈意從公一時調和匡救保護善類公之力居多八年夏旱奉 詔清獄釋繫囚四十二人未減七十九人冤者得白旣而復改內三院爲內

閣於是公以保和殿大學士兼戶部尚書如今銜云讀從政狀略
曰公少儁宕風流不設城府一入仕籍迺謹飭肅括言行有渠教
庶常儼如嚴師自奉廉儉門庭蕭然無衣紵之僕餽遺屏跡與人
言聲達戶外不爲促膝密語迹稍涉私輒正席改容人往往逡巡
引避去立朝風度峻整練習掌故持大體進退賢否賞罰一聽
於公不喜立名譽務以忠誠結主上知其遇僚友始終無間吳
三桂倡亂滇黔陷蜀秦楚驛騷閩粵相繼逆命會察哈爾部亦叛
天子智勇神聖應變若神命討不庭運籌決策雖萬里外若燭
照然公受事久又上所倚任參預機密天子嘗口授公起草
諭統兵親藩將帥方略閒與議軍務及時事人才縝密精切語多

不傳退食或至夜分或畱宿閣中出或有問應不知蓋慎重焉底
定後旋克臺灣海外皆置吏公夙夜在公不懈於位卒佐 聖主
平逆亂致太平可謂自任天下之重也讀寵榮狀略曰二十年海
內悉定 天子乃以明年正月幾望置酒 乾清宮飲宴羣臣樂
作公奉觴上壽 上亦手卮酒勸公賜坐殿上依漢元封柏梁臺
故事 上親賦詩公及朝士相繼和 御製序文勒於石公在相
位久凡 朝廷大典禮如持節冊立 中宮相視 山陵題 神
主釋奠先師每以屬公出則扈從入則進講四十年中齋捧者二
持節冊立者二恭題 神主者三扈從 巡行者十八 召對進
講者二主會試者三殿試文武進士讀卷者十四充纂修監修正